



ԿՈՌՈՒՊՑԻԱՅԻ ԿԱՆԽԱՐԳԵԼՄԱՆ ՀԱՆՁՆԱԺՈՂՈՎ

ՏԵՂԵԿԱՆՔ

**2025 ԹՎԱԿԱՆԻ ԱՌԱՋԻՆ ԵՌԱՄՍՅԱԿՈՒՄ ՄԱՄՈՒԼԻ
ՀՐԱՊԱՐԱԿՈՒՄՆԵՐԻ ՀԻՄԱՆ ՎՐԱ ԻՐԱԿԱՆԱՑՎԱԾ
ՈՒՍՈՒՄՆԱՍԻՐՈՒԹՅՈՒՆՆԵՐԻ ՎԵՐԱԲԵՐՅԱԼ**

2025 թ.




ՆԱԽԱԲԱՆ

Կոռուպցիայի կանխարգելման հանձնաժողովը (այսուհետ՝ Հանձնաժողով), շարունակելով լրատվամիջոցների հրապարակումների ուսումնասիրությունները՝ ներկայացնում է 2025 թվականի առաջին եռամսյակի և 2024 թվականի (որոնց ուսումնասիրությունը շարունակվել է 2025 թվականի առաջին եռամսյակում) մամուլի հրապարակումների հիման վրա իրականացված ուսումնասիրությունների արդյունքները: Նշենք, որ լրատվամիջոցների հրապարակումները կարող են վարույթ հարուցելու հիմք հանդիսանալ, եթե պարունակում են կոնկրետ անձի կողմից անհամատեղելիության պահանջների, այլ սահմանափակումների, վարքագծի կանոնների խախտումների կամ շահերի բախման դեպքի առերևույթ խախտման հատկանիշներ: Լրատվամիջոցների հրապարակումները կարող են հիմք հանդիսանալ նաև հայտարարագրերի վերլուծության համար:

Այս համատեքստում, հաշվետու ժամանակահատվածում Հանձնաժողովի կողմից մամուլի հրապարակումների հիման վրա ուսումնասիրվել են թվով 24 հրապարակումներ, որոնցից 7-ը վերաբերել են [շահերի բախմանը](#), 1-ը՝ [վարքագծի կանոններին](#), 16 [հայտարարագրերին](#):



ԿՈՌՈՒՊՑԻԱՅԻ
ԿԱՆԽԱՐԳԵԼՄԱՆ
ՀԱՆՁՆԱԺՈՂՈՎ



Վերոնշյալ հրապարակումների հիման վրա իրականացվել են հետևյալ գործողությունները.

Շահերի բախման վերաբերյալ հրապարակումներ

1. [«Ալավերդու համայնքապետարանը 8,8 մլն դրամի պայմանագիր է կնքել ՔՊ-ական ավագանու անդամի հետ՝ հրադրապ մեկ անձից գնման ընթացակարգով»](#), «Hetq.am» լրատվական կայք, 6/01/ 2025 թվական:

Համաձայն հրապարակման՝ Ալավերդու համայնքապետարանը 2024 թվականի հունվարի 9-ին պայմանագիր է կնքել Արտակ Գևորգյան ԱԶ-ի հետ: Արտակ Գևորգյանն Ալավերդու համայնքի ավագանու «Քաղաքացիական պայմանագիր» խմբակցության անդամ է: Համայնքապետարանից լրատվականին հայտնել են, որ 2022 թվականին ևս Ալավերդու համայնքապետարանի կողմից պատվիրված երկու մրցույթում հաղթող է ճանաչվել «Արտակ Գևորգյան Լևոնի» ԱԶ-ն:

Հանձնաժողովը հրապարակման առարկան ուսումնասիրել է «Հանրային ծառայության մասին» օրենքի, «Գնումների մասին» օրենքի և Կառավարության 2017



թվականի մայիսի 4-ի՝ «Գնումների գործընթացի կազմակերպման կարգը հաստատելու և Հայաստանի Հանրապետության կառավարության 2011 թվականի փետրվարի 10-ի N 168-Ն որոշումն ուժը կորցրած ճանաչելու մասին» N 526-Ն որոշման կարգավորումների համատեքստում: Ուսումնասիրության արդյունքում արձանագրվել է, որ Ալավերդի համայնքի ղեկավար Դավիթ Ղումաշյանը 2024 թվականի հունվարի 9-ին համայնքի կարիքների համար ծառայության ձեռքբերման պայմանագիր է կնքել իր հետ օրենքի իմաստով փոխկապակցված անձի՝ նույն համայնքի ավագանու անդամ Արտակ Գևորգյան ԱԶ-ի հետ:

Հանձնաժողովը գնման գործընթացին վերաբերելի փաստաթղթերի և տեղեկությունների ուսումնասիրությամբ արձանագրել է, որ պահպանված են եղել գնումների մասին օրենսդրությամբ սահմանված պահանջները և ընթացակարգերը, հետևապես, խնդրո առարկա պայմանագրերի կնքումը քննարկվել է միայն Հանձնաժողովին շահերի բախման մասին գրավոր հայտարարություն չներկայացնելու համատեքստում:

Վերոգրյալի շրջանակներում արձանագրվել է, որ Դավիթ Ղումաշյանը Հանձնաժողով չի ներկայացրել շահերի բախման վերաբերյալ հայտարարություն, թեև որպես քաղաքական պաշտոն զբաղեցնող անձ, «Հանրային ծառայության մասին» օրենքի 33-րդ հոդվածի 7-րդ մասով, կրել է այդպիսի պարտավորություն: Միաժամանակ, հաշվի առնելով, որ մեկ այլ՝ «Հետք» լրատվականի՝ «Ալավերդու համայնքապետարանը 3.8 մլն դրամի պայմանագրեր է կնքել ավագանու անդամի մոր ԱԶ-ի հետ» վերտառությամբ [հրապարակման](#) հիման վրա Հանձնաժողովը նախաձեռնել էր վարչական վարույթ՝ սույն հրապարակման առարկան քննարկվել է ավելի վաղ ուսումնասիրված հրապարակման հետ: Հանձնաժողովի՝ 2025 թվականի փետրվարի 25-ի ՎԻՎ/59/2025 որոշմամբ Դավիթ Ղումաշյանի նկատմամբ կիրառվել է վարչական տույժ՝ իր հետ փոխկապակցված անձի հետ անձնական հարաբերություններ ունեցող անձի՝ Ալավերդի համայնքի ավագանու անդամ Ա.Դավթյանի մոր՝ Մ.Դավթյան ԱԶ-ի հետ գնման պայմանագիր կնքելու համատեքստում շահերի բախման վերաբերյալ հայտարարություն չներկայացնելու հիմքով: Այնուամենայնիվ, Արտակ Գևորգյան ԱԶ-ի հետ պայմանագրի կնքման շրջանակներում նույն հիմքով հայտարարություն չներկայացնելու դեպքով առանձին վարչական վարույթ չի իրականացվել՝ հառնելով «Վարչական իրավախախտումների վերաբերյալ» օրենսգրքով սահմանված վարչական տույժի կիրառման ժամկետները:



ԿՈՌՈՒՊՑԻԱՅԻ
ԿԱՆԽԱՐԳԵԼՄԱՆ
ՀԱՆՁՆԱԺՈՂՈՎ

2. «2 տարում 2.7 միլիարդ դրամի գնում՝ ավագանու անդամի ընկերությունից. Սևան համայնքի ասֆալտապատման գնումները», «Infocom.am» լրատվական կայք, 15/01/2025 թվական:

Հրապարակման մեջ շրջանառվող տեղեկատվության համաձայն՝ 2020-2024 թվականներին Սևան համայնքում ճանապարհաշինարարական աշխատանքների իրականացման համար կազմակերպված 19 գնման ընթացակարգերից 17-ում աշխատանքները պատվիրակվել են համայնքի ներկայիս ավագանու անդամ Արմեն Ալավերդյանի ընկերությանը՝ «Ճան Շին» ՍՊԸ-ին, իսկ մյուս 2-ը՝ համայնքի Ծովագյուղ բնակավայրի վարչական ղեկավար Ատոմ Սիմոնյանի հոր ընկերությանը՝ «Ծովագյուղ ՃՇՀ» ՍՊԸ-ին: Հրապարակման հիման վրա Հանձնաժողովն իրականացրել է համալիր ուսումնասիրություն՝ քննարկված բոլոր դրվագներով: Հանձնաժողովը հրապարակման առարկան ուսումնասիրել է իրականացված գնումների ընթացակարգերի և համայնքի ղեկավարի շահերի բախման կարգավորումների համատեքստում: Ներկայացված դեպքերում գնման ընթացակարգերի առերևույթ խախտումներ չեն արձանագրվել, այդուհանդերձ, դրանք քննարկվել են համայնքի ղեկավարի շահերի բախման համատեքստում:

Հանձնաժողովն իրեն հասանելի տեղեկատվական աղբյուրների, գնումների տեղեկագրի, այլ բաց տվյալների ուսումնասիրության արդյունքում արձանագրել է, որ Սարգիս Մուրադյանը, որպես Սևան համայնքի ղեկավար և պատվիրատուի ղեկավար, 2023 և 2024 թվականներին կապալային աշխատանքների և ճանապարհների նորոգման աշխատանքների ձեռքբերման 5 պայմանագիր է կնքել «Ճան Շին» ՍՊ ընկերության հետ, որի գործադիր մարմնի ղեկավարը, իրական շահառուն և 49 տոկոս բաժնետեր է հանդիսանում Սևան համայնքի ավագանու անդամ Արմեն Ալավերդյանը: Հանձնաժողովն արձանագրել է, որ Սևանի համայնքի ղեկավար Սարգիս Մուրադյանը ԳՄՍՀ-ԲՄԱՇՁԲ-2024/1/1, ԳՄՍՀ-ԳՀԱՇՁԲ-2024/3/1, ԳՄՍՀ-ԳՀԱՇՁԲ-2024/1/1, ԳՄՍՀ-ՀԲՄԱՇՁԲ-2023/2/1, ԳՄՍՀ-ԳՀԱՇՁԲ-2023/2/1 ծածկագրերով գնման պայմանագրերը կնքել է իր հետ փոխկապակցված անձի՝ նույն համայնքի ավագանու անդամ Արմեն Ալավերդյանի հետ փոխկապակցված ընկերության՝ «Ճան Շին» ՍՊԸ-ի հետ, որի կնքման շրջանակներում համայնքի ղեկավարը պարտավորություն է կրել շահերի բախման վերաբերյալ գրավոր հայտարարություն ներկայացնելու Հանձնաժողով, ինչի չկատարումը հանգեցրել է «Հանրային ծառայության մասին» օրենքի և «Վարչական իրավախախտումների վերաբերյալ» օրենսգրքի կարգավորումների խախտման: Միաժամանակ, հիմք ընդունելով վարչական տույժ կիրառելու ժամկետները՝ Հանձնաժողովը որոշել է Սարգիս Մուրադյանի նկատմամբ վարչական իրավախախտման վերաբերյալ



ԿՈՌՈՒՊՑԻԱՅԻ
ԿԱՆԽԱՐԳԵԼՄԱՆ
ՀԱՆՁՆԱԺՈՂՈՎ

վարույթ հարուցել 2024 թվականի հունիսի 22-ին, մայիսի 8-ին և ապրիլի 5-ին կնքված՝ համապատասխանաբար՝ ԳՄՍՀ ԲՄԱՇՁԲ-2024/1/1, ԳՄՍՀ ԳՀԱՇՁԲ-2024/3/1, ԳՄՍՀ ԳՀԱՇՁԲ-2024/1/1 ծածկագրերով պայմանագրերի շրջանակներում հայտարարություն չներկայացնելու հիմքով: Վարույթի հարուցման որոշումը հասանելի է հետևյալ հղումով <https://cpcarmenia.am/wp-content/uploads/2025/03/00-6.pdf>:

Հրապարակման մյուս դրվագով Հանձնաժողովն արձանագրել է, որ Սևան համայնքի ղեկավար Սարգիս Մուրադյանը 2023 թվականին կապալային աշխատանքների ձեռքբերման ԳՄՍՀ-ՀԲՄԱՇՁԲ-2023/1/1 ծածկագրով գնման պայմանագիր է կնքել Ծովագյուղ վարչական շրջանի ղեկավար Ատոմ Սիմոնյանի հետ օրենքի իմաստով փոխկապակցված անձի՝ վերջինիս հոր մասնակցությամբ և նրա կողմից ղեկավարվող «Ծովագյուղ ՃՇՇ» ՍՊ ընկերության հետ: Այդուհանդերձ, հաշվի առնելով վարչական տույժ նշանակելու սահմանված ժամկետի անցած լինելու հանգամանքը՝ Հանձնաժողովի կողմից նշված դեպքը վարչական վարույթի առարկա չի դարձվել:

Հարկ է նշել, որ գնման գործընթացին վերաբերելի փաստաթղթերի և տեղեկությունների ուսումնասիրությամբ արձանագրել է, որ պահպանված են եղել գնումների մասին օրենսդրությամբ սահմանված պահանջները և ընթացակարգերը, հետևապես, խնդրո առարկա պայմանագրերի կնքումը քննարկվել է միայն Հանձնաժողովին շահերի բախման մասին գրավոր հայտարարություն չներկայացնելու համատեքստում:

3. «Ավինյանի ֆուտբոլային ընկերը շահում է պետական մրցույթները», «Hraparak.am» լրատվական կայք, 4/02/2025 թվական:

Հրապարակման համաձայն՝ «Լիլանարմ» ՍՊԸ-ն, որի տնօրեն է հանդիսացել «Քաղաքացիական պայմանագիր» կուսակցության՝ Երևանի 2023 թվականի ավագանու ընտրությունների թեկնածուն և Տիգրան Ավինյանի ընկերը, մասնակցել և հաղթող է ճանաչվել Երևանի քաղաքապետարանի կողմից պատվիրված գնման գործընթացներում:

Հանձնաժողովն իրեն հասանելի տեղեկատվական աղբյուրների, գնումների տեղեկագրի, այլ բաց աղբյուրների ուսումնասիրության, ինչպես նաև հայտարարագրման համակարգի տվյալների ուսումնասիրությամբ պարզել է, որ Ն. Պողոսյանը «Լիլանարմ» ՍՊ ընկերության գործադիր մարմնի ղեկավարն է հանդիսանում 2023 թվականի հունիսի 12-ից: Երևանի քաղաքապետի՝ 2018 թվականի նոյեմբերի 14-ի թիվ 3407-Ա որոշմամբ՝ Երևան քաղաքի բյուջեի միջոցներով



ԿՈՌՈՒՊՑԻԱՅԻ
ԿԱՆԽԱՐԳԵԼՄԱՆ
ՀԱՆՁՆԱԺՈՂՈՎ

ապրանքների, աշխատանքների և ծառայությունների ձեռքբերման համար գնումները համակարգող է սահմանվել Երևանի քաղաքապետարանի աշխատակազմի գնումների վարչությունը, իսկ պատվիրատուի ղեկավարի լիազորությունները՝ պայմանագրի կնքման և գնման ընթացակարգի արձանագրության հաստատման մասով, վերապահվել են Երևանի քաղաքապետարանի աշխատակազմի գնումների վարչության պետին, ուստի Երևանի քաղաքապետարանի և «Լիլանարմ» ՍՊԸ-ի միջև պայմանագրերի կնքմանը Երևանի քաղաքապետարանի կողմից մասնակցել է քաղաքապետարանի աշխատակազմի գնումների վարչության պետը: Երևանի քաղաքապետը նշված գործընթացներում ուղղակի մասնակցություն կամ ներգրավվածություն չի ունեցել: Միաժամանակ, բաց աղբյուրների ուսումնասիրությամբ Տ. Ավինյանի և Ն. Պողոսյանի միջև առերևույթ փոխկապակցվածության վերաբերյալ տեղեկություններ չեն գտնվել/հաստատվել: Հանձնաժողովը վարույթ հարուցելու հիմքեր չի արձանագրել:

4. «Լոռի բերդի համայնքապետարանը 21.3 մլն դրամի պայմանագիր է կնքել համայնքի ղեկավարի առաջին տեղակալի եղբոր ընկերության հետ», «Hetq.am» լրատվական կայք, 4/02/ 2025 թվական:

Հրապարակման մեջ շրջանառվող տեղեկատվության համաձայն՝ Լոռի Բերդ համայնքի կազմում ընդգրկված Բովաձոր, Կողես, Լեջան, Յաղդան և Ուռուտ բնակավայրերի համայնքային կենտրոնների ամբողջական վերանորոգման և բարեկարգման համար համայնքապետարանը 2023 թվականի հուլիսին գնանշման հարցում ընթացակարգով իրականացրած գնման ընթացակարգի արդյունքում հաղթող է ճանաչվել «Լոռշին» ՍՊ ընկերությունը, որի հետ 2023 թվականի օգոստոսի 1-ին կնքվել է գնման պայմանագիր՝ 21 304 000 ՀՀ դրամ արժեքով: Այս ընկերության հիմնադիր և միակ բաժնետեր է Վահագն Պապիկյանը՝ համայնքի ղեկավարի առաջին տեղակալ Վահրամ Պապիկյանի եղբայրը:

Հանձնաժողովն իրեն հասանելի տեղեկատվական աղբյուրների, գնումների տեղեկագրի, այլ բաց տվյալների ուսումնասիրության արդյունքում արձանագրել է, որ Լոռի բերդ համայնքի ղեկավար Արայիկ Ներսիսյանը N ԼՄԼԲՀ-ԳՀԱՇՁԲ-23/07 ծածկագրով գնման ընթացակարգի արդյունքում 2023 թվականի օգոստոսի 1-ին պետության կարիքների համար կապալային աշխատանքների կատարման պետական գնման պայմանագիր է կնքել իր հետ օրենքի իմաստով փոխկապակցված անձի՝ իր առաջին տեղակալ Վահրամ Պապիկյանի եղբոր մասնակցությամբ ընկերության՝ «Լոռշին» ՍՊԸ-ի հետ:

Գնման գործընթացին վերաբերելի փաստաթղթերի և տեղեկությունների ուսումնասիրությամբ արձանագրել է, որ պահպանված են եղել գնումների մասին օրենսդրությամբ սահմանված պահանջները և ընթացակարգերը, հետևապես, պայմանագրի կնքումը քննարկվել է միայն Հանձնաժողովին շահերի բախման մասին գրավոր հայտարարություն չներկայացնելու համատեքստում: Վերոգրյալի շրջանակներում արձանագրվել է, որ Արայիկ Ներսիսյանը Հանձնաժողով չի ներկայացրել շահերի բախման վերաբերյալ հայտարարություն, թեև որպես քաղաքական պաշտոն զբաղեցնող անձ, «Հանրային ծառայության մասին» օրենքի 33-րդ հոդվածի 7-րդ մասով, կրել է այդպիսի պարտավորություն: Այդուհանդերձ, հաշվի առնելով վարչական տույժ նշանակելու սահմանված ժամկետի անցած լինելու հանգամանքը՝ Հանձնաժողովի կողմից նշված դեպքը վարչական վարույթի առարկա չի դարձվել:

5. [«Մարզպետն իր բաջանադի ընտանիքի բոլոր անդամներին աշխատանքով ապահովելուց զատ, որոշել է նաև մարզ եկած ծրագրերն էլ բաջանադով անել»](#), «Aravot.am» լրատվական կայք, 5/02/2025 թվական:

Հրապարկման համաձայն՝ 2025 թվականի հունվարի 17-ին Իջևանի համայնքապետարանի ավագանու նիստում կայացվել է 2 որոշում՝ «Օկոն» բնապահպանական-սոցիալական հասարակական կազմակերպությանը սահմանափակ օգտվելու իրավունքով (սերվիտուտ) ութ տարի ժամկետով համայնքային 2 հողամասի տրամադրման վերաբերյալ: Ըստ հրապարակման՝ 2023 թվականին ստեղծված «Օկոն» բնապահպանական-սոցիալական հասարակական կազմակերպության նախագահ, Իջևանի համայնքապետի խորհրդական Դավիթ Վիրաբյանը Տավուշի մարզպետ Հայկ Ղալումյանի հետ ունի խնամհական փոխկապակցվածություն:

Ուսումնասիրության արդյունքում Հանձնաժողովը պարզել է, որ «Օկոն» բնապահպանական-սոցիալական հասարակական կազմակերպությանը սահմանափակ օգտվելու իրավունքով (սերվիտուտ) ութ տարի ժամկետով համայնքային 2 հողամասի տրամադրումը իրականացվել է համայնքի ավագանու որոշումների հիման վրա: Միաժամանակ, Հանձնաժողովը քննարկել է հրապարակման առարկան համայնքի ղեկավարի շահերի բախման համատեքստում: Հանձնաժողովը, հիմք ընդունելով «Տեղական ինքնակառավարման մասին» օրենքի կարգավորումները և հողօգտագործման բնագավառում համայնքի ղեկավարի լիազորությունները, դիմել է համայնքի ղեկավարին՝ «Օկոն» հասարակական կազմակերպությանը սահմանափակ օգտվելու իրավունքով համայնքային հողամասերի տրամադրման որոշումների հաստատումից առաջ, պայմանավորված



ԿՈՌՈՒՊՑԻԱՅԻ
ԿԱՆԽԱՐԳԵԼՄԱՆ
ՀԱՆՁՆԱԺՈՂՈՎ

կազմակերպության նախագահի՝ Դավիթ Վիրաբյանի հետ առկա փոխկապակցվածությամբ, հանդես գալ շահերի առկայության մասին հայտարարությամբ՝ հրապարակելով այն համայնքապետարանի պաշտոնական կայքէջում: Ինչ վերաբերում է Դ. Վիրաբյանի և Տավուշի մարզպետ Հ. Ղալումյանի միջև հրապարակմամբ հիշատակված խնամիական կապին՝ հասարակական նշված կազմակերպությանը համայնքային հողամասերի օգտագործման տրամադրման որոշումների կայացման գործընթացում մարզպետն ի պաշտոնե ներգրավվածություն կամ մասնակցություն չի ունեցել:

6. «Շուրջ 135 միլիոն դրամի գնում» համայնքապետի ընտանիքին պատկանող ընկերությունից. Գավառ համայնքի գնումները», «Infocom.am» լրատվական կայք, 7/02/2025 թվական

Համաձայն հրապարակման՝ Գավառի համայնքապետարանը համայնքի ղեկավար Գուրգեն Մարտիրոսյանի հետ փոխկապակցված անձանց մասնակցությամբ ընկերության՝ «Գավառտրանս» ՍՊԸ-ի հետ 2020-2024 թվականների ընթացքում կնքել է համայնքի կարիքների համար գնման 8 պայմանագիր: «Գավառտրանս» ՍՊ ընկերության հետ ևս 15 պայմանագիր է կնքել «Գավառ համայնքի կոմունալ սպասարկում և բարեկարգում» ՀՈԱԿ-ը: Գավառի համայնքապետարանը 2022-2024 թվականներին 7 պայմանագիր է կնքել համայնքի ղեկավարի տեղակալ Մուրադ Մովսիսյանի հորը պատկանող «Ֆավորիտ-Մ» ընկերության հետ, իսկ 2022 թվականին պայմանագիր է կնքել իշխող խմբակցության ավագանու անդամ Ալիկ Մարտիրոսյանի եղբոր՝ Ավետիք Մարտիրոսյանի՝ «Արմավ-700» ընկերության հետ:

Գուրգեն Մարտիրոսյանը հանդիսացել է նաև Հանձնաժողովի կողմից 2024 թվականին իրականացված՝ հանրային համապատասխան պաշտոններ զբաղեցնող անձանց, այդ թվում՝ համայնքի ղեկավարների անհամատեղելիության պահանջների պահպանման մշտադիտարկման սուբյեկտ: Մշտադիտարկման ընթացքում իրականացված ուսումնասիրության արդյունքում պարզ է դարձել, որ 2024 թվականին Գավառ համայնքի և «ԳԱՎԱՌ-ՏՐԱՆՍ» ՍՊԸ-ի միջև կնքվել է գնման պայմանագիր: Պայմանագրի կնքման պահին ընկերության մասնակիցներ են հանդիսացել վերջինիս որդիները, քույրը, քրոջ որդին, ինչպես նաև նույն համայնքի ավագանու անդամ Հրայր Գուլաբյանը: Վերջինս հանդիսացել է նաև ընկերության գործադիր մարմնի ղեկավարը: Պայմանագրի կնքման շրջանակներում Գուրգեն Մարտիրոսյանը Կոռուպցիայի կանխարգելման հանձնաժողովին շահերի բախմանը վերաբերող հանգամանքների մասին գրավոր հայտարարություն չի ներկայացրել: Գուրգեն



ԿՈՌՈՒՊՑԻԱՅԻ
ԿԱՆԽԱՐԳԵԼՄԱՆ
ՀԱՆՁՆԱԺՈՂՈՎ

Մարտիրոսյանի և «Գավառտրանս» ՍՊ-ի միջև 2024 թվականի փետրվարի 13-ին կնքված ԳՄԳՀ-ԳՀԾՁԲ-24/2 պայմանագրի առնչությամբ Հանձնաժողովը սույն թվականի փետրվարի 13-ին կայացրել է վարչական տույժ կիրառելու մասին ՎԻՎ/15/2025 որոշումը:

Եվս 6 պայմանագիր Գավառի համայնքապետարանի և «ԳԱՎԱՌՏՐԱՆՍ» ՍՊԸ-ի միջև կնքվել են 2020, 2022, 2023 թվականներին: 2020-2022 թվականներին «Հանրային ծառայության մասին» օրենքով իմպերատիվ պահանջ չի եղել Հանձնաժողովին շահերի բախման վերաբերյալ հայտարարություն ներկայացնելու: Համապատասխան իրավակարգավորումներն ուժի մեջ են մտել 2023 թվականի հունվարի 2-ից, հետևապես, 2020-2022 թվականներին կնքված պայմանագրերի համատեքստում Հանձնաժողովը հնարավորություն չի ունեցել քննելու նշված դեպքերը շահերի բախման կարգավորումների խախտման համատեքստում: Ինչ վերաբերում է 2023 թվականին կնքված երկու պայմանագրերին՝ Հանձնաժողովն արձանագրել է, որ համայնքի ղեկավար Գուրգեն Մարտիրոսյանը, որպես համայնքային քաղաքական պաշտոն զբաղեցնող անձ, պայմանագրի կնքման պահին գործող իրավակարգավորումների պայմաններում պարտավոր էր Հանձնաժողով ներկայացնել շահերի բախման վերաբերյալ հայտարարություն նախքան պայմանագրի կնքումը, ինչի չկատարումը հանգեցրել է «Հանրային ծառայության մասին» օրենքի և «Վարչական իրավախախտումների վերաբերյալ» օրենսգրքի համապատասխան պահանջների խախտման: Այդուհանդերձ, հաշվի առնելով «Վարչական իրավախախտումների վերաբերյալ» օրենսգրքով սահմանված վարչական տույժի կիրառման ժամկետները՝ Հանձնաժողովը սույն դեպքում վարույթ չի հարուցել:

Հրապարակման հաջորդ դրվագով Հանձնաժողովն արձանագրել է, որ «Գավառ համայնքի կոմունալ սպասարկում և բարեկարգում» համայնքային հիմնարկի (նախկինում՝ ՀՈԱԿ-ի) կարիքների համար 2020-2024 թթ. կնքված պայմանագրերի կողմեր հանդիսացել են հիմնարկի տնօրենը՝ Յուրիկ Մինասյանը և ՍՊԸ-ի տնօրեն Հրայր Գուլաբյանը, իսկ նկարագրված հանգամանքների ուսումնասիրությամբ համայնքի ղեկավարի կողմից շահերի բախման իրավիճակ չի բացահայտվել, ուստի հիմնարկի գործադիր մարմնի շահերի բախման դեպքերի քննությունը, հաշվի առնելով Հանձնաժողովին վերապահված լիազորությունները, Հանձնաժողովի իրավասությունների տիրույթից դուրս է:

Հրապարակման մեկ այլ դրվագի ուսումնասիրմամբ Հանձնաժողովը պարզել է, որ Գավառ համայնքի կարիքների համար Գավառի համայնքապետարանը՝ ի դեմս համայնքի ղեկավար Գուրգեն Մարտիրոսյանի, 2022 և 2024 թվականներին գնման



պայմանագրեր է կնքել «Ֆավորիտ-Մ» ընկերության հետ, որի 100 % մասնակից 2022 թվականից հանդիսացել է Սամվել Մովսիսյանը՝ Գավառ համայնքի ղեկավարի տեղակալ Մուրադ Մովսիսյանի հայրը: Հաշվի առնելով, որ 2022 թվականին Մուրադ Մովսիսյանը չի հանդիսացել Գավառ համայնքի ղեկավարի տեղակալ, Հանձնաժողովը քննության է առել միայն 2024 թվականին կնքված 4 պայմանագրերը: Հաշվի առնելով, որ համայնքի ղեկավարի տեղակալի շահերի բախման քննության հարցը դուրս է Հանձնաժողովի իրավասության տիրույթից, Հանձնաժողովն անդրադարձել է գնման գործընթացին համայնքի ղեկավարի շահերի բախման համատեքստում: Ըստ այդմ՝ արձանագրվել է, որ Գուրգեն Մարտիրոսյանը գնման 4 պայմանագիր է կնքել իր հետ փոխկապակցված անձի՝ իր տեղակալ Մուրադ Մովսիսյանի հոր բաժնեմասնակցությամբ ընկերության՝ «Ֆավորիտ-Մ» ՍՊԸ-ի հետ: Վերոգրյալի շրջանակներում համայնքի ղեկավար Գուրգեն Մարտիրոսյանը Հանձնաժողով չի ներկայացրել շահերի բախման վերաբերյալ հայտարարություն, թեև որպես քաղաքական պաշտոն զբաղեցնող անձ, «Հանրային ծառայության մասին» օրենքի 33-րդ հոդվածի 7-րդ մասով, կրել է այդպիսի պարտավորություն: Այդուհանդերձ, վերոնշյալ պայմանագրերի շրջանակներում Հանձնաժողովը որոշել է վարչական իրավախախտման հիմքով առանձին վարույթ չհարուցել՝ հաշվի առնելով, որ խնդրո առարկա պայմանագրերը կնքվել են նախքան Հանձնաժողովի՝ 2025 թվականի փետրվարի 13-ին կայացրած վարչական տույժ կիրառելու մասին թիվ ՎԻՎ/15/2025 որոշման ընդունումը:

Հրապարակման վերջին դրվագի ուսումնասիրմամբ պարզվել է, որ 2022 թվականին Գավառի համայնքապետարանը, ի դեմս համայնքի ղեկավար Գուրգեն Մարտիրոսյանի, N ԳՄԳՀ-ԳՀԾԶԲ-22/05 գնման պայմանագիր է կնքել «Արմավ-700» ՍՊ ընկերության հետ: Ընկերության 2022 թվականից ընկերության 100 % մասնակից հանդիսանում է Ավետիք Մարտիրոսյանը՝ Գավառ համայնքի ավագանու անդամ Ալիկ Մարտիրոսյանի եղբայրը: Թեև վերոնշյալ գնման գործընթացում պահպանվել են գնումների մասին գործող օրենսդրությամբ սահմանված իրավակարգավորումները, այդուհանդերձ համայնքի ղեկավար Գուրգեն Մարտիրոսյանը պայմանագիրը կնքել է իր հետ փոխկապակցված անձի՝ ավագանու անդամի եղբոր բաժնեմասնակցությամբ ընկերության՝ «Արմավ-700» ՍՊԸ-ի հետ: Հաշվի առնելով, որ Վարչական իրավախախտման վերաբերյալ իրավակարգավորումներն ուժի մեջ են մտել 2023 թվականի հունվարի 2-ից, իսկ Հանձնաժողովին համապատասխան հայտարարություն ներկայացնելու իմպերատիվ պահանջ Հանրային ծառայության մասին օրենքի նախորդ կարգավորումների պայմաններում առկա չի եղել, սույն դեպքը վարույթի առարկա չի դարձվել:



ԿՈՌՈՒՊՑԻԱՅԻ
ԿԱՆԽԱՐԳԵԼՄԱՆ
ՀԱՆՁՆԱԺՈՂՈՎ

Հարկ է ընդգծել, որ թվարկված գնման գործընթացին վերաբերելի փաստաթղթերի և տեղեկությունների ուսումնասիրությամբ Հանձնաժողովի կողմից գնումների մասին օրենսդրությամբ սահմանված պահանջների և ընթացակարգերի խախտումներ չեն արձանագրվել, հետևապես, խնդրո առարկա պայմանագրերի կնքումը քննարկվել է միայն Հանձնաժողովին շահերի բախման մասին գրավոր հայտարարություն չներկայացնելու համատեքստում:

7. «Վաղարշապատի քաղաքապետը 13.6 միլիոն դրամի պայմանագիր է կնքել սկեսրայրի հետ», «Azatutyun.am» լրատվական կայք, 8/02/2025 թվական:

Հրապարակման մեջ շրջանառվող տեղեկատվության համաձայն՝ Վաղարշապատի քաղաքապետ Դիանա Գասպարյանը 13.6 միլիոն դրամի պայմանագիր է կնքել սկեսրայրի՝ անհատ ձեռնարկատեր Աշոտ Միրզոյանի հետ՝ սեղմված բնական գազի ձեռքբերման համար:

Հանձնաժողովն իրեն հասանելի տեղեկատվական աղբյուրների, տեղեկատվական շտեմարանների, գնումների տեղեկագրի, ինչպես նաև հայտարարագրման համակարգի և այլ բաց տվյալների ուսումնասիրության հիման վրա պարզել է, որ Վաղարշապատի համայնքի ղեկավար Դիանա Գասպարյանը 2025 թվականի հունվարի 27-ին ՀՀ ԱՄՎՀ ԷԱՃԱՊԶԲ 25/4-1 ծածկագրով գնման ընթացակարգի արդյունքում համայնքապետարանի կարիքների համար ապրանքի (սեղմված բնական գազի) ձեռքբերման պայմանագիր է կնքել օրենքի իմաստով իր հետ փոխկապակցված անձի (փաստացի ամուսնական հարաբերությունների մեջ գտնվող և համատեղ բնակվող) Արամայիս Միրզոյանի հոր՝ անհատ ձեռնարկատեր Աշոտ Արամայիսի Միրզոյանի հետ: Պայմանագրի արժեքը կազմել է 13 642 800 ՀՀ դրամ: Հանձնաժողովը գնման գործընթացին վերաբերելի փաստաթղթերի և տեղեկությունների ուսումնասիրությամբ արձանագրել է, որ պահպանված են եղել գնումների մասին օրենսդրությամբ սահմանված պահանջները և ընթացակարգերը, հետևապես, նշված պայմանագրի կնքումը քննարկվել է միայն Հանձնաժողովին շահերի բախման մասին գրավոր հայտարարություն չներկայացնելու համատեքստում: Այսպես, Հանձնաժողովը արձանագրել է, որ Դիանա Գասպարյանը նշված պայմանագրի կնքման համատեքստում Հանձնաժողով չի ներկայացրել շահերի բախմանը վերաբերող հանգամանքների մասին համապատասխան հայտարարություն, թեև որպես քաղաքական պաշտոն զբաղեցնող անձ, «Հանրային ծառայության մասին» օրենքի 33-րդ հոդվածի 7-րդ մասով, կրել է այդպիսի պարտավորություն, ինչի չկատարումը հանգեցրել է «Հանրային ծառայության մասին» օրենքի և «Վարչական իրավախախտումների վերաբերյալ» օրենսգրքի կարգավորումների խախտման: Վերոգրյալի հաշվառմամբ Հանձնաժողովը որոշել է



ԿՈՌՈՒՊՑԻԱՅԻ
ԿԱՆԽԱՐԳԵԼՄԱՆ
ՀԱՆՁՆԱԺՈՂՈՎ

Դիանա Գասպարյանի նկատմամբ վարչական իրավախախտման վերաբերյալ վարույթ հարուցել՝ ՀՀ ԱՄՎՀ ԷԱՃԱՊՁԲ 25/4-1 ծածկագրով 2025 թվականի հունվարի 27-ին կնքված պայմանագրի շրջանակներում Հանձնաժողով շահերի բախման իրավիճակի վերաբերյալ գրավոր հայտարարություն չներկայացնելու հիմքով: Վարչական վարույթի արդյունքում Հանձնաժողովը որոշում է կայացրել Դիանա Գասպարյանի նկատմամբ կիրառել վարչական տույժ՝ սահմանված նվազագույն աշխատավարձի երեքհարյուրապատկի՝ 300 000 (երեք հարյուր հազար) ՀՀ դրամի չափով:

Վարչական տույժ կիրառելու մասին որոշումը հասանելի է հետևյալ հղումով՝
<https://shorturl.at/v6Ono>

Վարքագծի կանոնների վերաբերյալ

1. «Արարապ Միրզոյանը հրաժարվում է պատասխանել հայ լրագրողների հարցերին և վիրավորում է», «Ժողովուրդ» լրատվական կայք, 13/03/2025 թվական:

Հրապարակման նույն առարկայի առնչությամբ ուսումնասիրվել է նաև մեկ այլ՝ «168. am» լրատվական կայքի <https://168.am/2025/03/13/2181998.html> հրապարակումը:

Համաձայն հրապարակման՝ ՀՀ արտաքին գործերի նախարար Արարատ Միրզոյանը Կառավարության նիստից հետո վիրավորել է լրագրողներին:

Մասնավորապես, լրագրողը Կառավարության նիստից հետո Ա. Միրզոյանին փորձում է ճեպագրույցի հրավիրել, ապա, հավանաբար, բացասական պատասխան ստանալով, նշում է՝ «Ինչի՞: Մենակ թուրք գործընկերների համար ե՞ք գնում, պարոն Միրզոյան»: Ա.Միրզոյանը հետ է շրջվում դեպի լրագրողը, մոտենում նրան և ասում. «Նախ ես համարում եմ էս Ձեր ասածը վերին աստիճանի անդաստիարակ, անշնորհք և ոչ արհեստավարժ (լրագրողն ընդհատում է՝ երևի շնորհքովը Ձեզն է, Ձեր արածն ա, որ Դուք ձեռքը ձեր գրպանը դրած պատասխանում եք): Սուս մնացեք, ես պատասխանում եմ: Եվ երկրորդը, սա լրագրողների մասնագիտական գործունեություն չի, սա քաղաքական ակցիա է: Ամոթ ձեզ: (սկսում է հեռանալ)»: Մյուս լրագրողի հետ ևս տեղի է ունենում կարճ փոխանակություն, փոխադարձ բառարկություններ են հնչում:



Հանձնաժողովը հրապարակումների առարկան քննության է առել վարքագծի կանոնների համատեքստում, մասնավորապես, Հանձնաժողովի՝ 2024 թվականի փետրվարի 6-ի N 02-Ն որոշման հավելվածով հաստատված՝ Պետական պաշտոն զբաղեցնող անձանց (բացառությամբ պատգամավորի, դատավորի, բարձրագույն դատական խորհրդի անդամի, դատախազի, քննիչի), համայնքների ղեկավարների, նրանց տեղակալների, Երևան համայնքի վարչական շրջանների ղեկավարների, նրանց տեղակալների պաշտոն զբաղեցնող անձանց վարքագծի կանոնագրք 51-րդ կետի համատեքստում, ըստ որի՝ հանրային պաշտոն զբաղեցնող անձը պարտավոր է լրագրողների, լրատվամիջոցների ներկայացուցիչների հետ հաղորդակցվելիս ցուցաբերել հարգալից վերաբերմունք, իր գործողություններով չխախտել լրատվամիջոցների ներկայացուցիչների իրավունքները, չխոչընդոտել նրանց օրինական գործունեությանը և մասնագիտական աշխատանքին:

Հրապարակումներով նկարագրված արարքի գնահատման նպատակով Հանձնաժողովը իմաստաբանական վերլուծության է ենթարկել Արարատ Միրզոյանի գործածած բառերը և արտահայտությունները («անդաստիարակ», «անշնորհք», «ոչ արհեստավարժ», «սուս մնալ», «ամոթ Ձեզ», «չափն անցնել»): Արդյունքում, Հանձնաժողովը եզրահանգել է, որ դրանք իրենց բնույթով վիրավորական չեն, որոշ արտահայտություններ («անդաստիարակ, անշնորհք, ամոթ Ձեզ») ունեն մեղմ հանդիմանական կամ նախատական երանգ և ուղղված են եղել լրագրողների գործողություններին գնահատական տալուն և ոչ թե նրանց անհատապես վիրավորելուն: Հանձնաժողովը տեսանյութը և դրան նախորդած իրադարձությունների համատեքստում գտել է, որ Արարատ Միրզոյանի արձագանքն իր բովանդակությամբ, տոնայնությամբ և բնույթով համահունչ կամ համապատասխան է եղել լրագրողների վարքագծին՝ հաշվի առնելով հայ-ադրբեջանական և հայ-թուրքական հարաբերությունների և դրանց կապակցությամբ պետական քաղաքականության հետ կապված սոցիալական լարված իրավիճակը, և այն, որ լրագրողի հարցը (ռեպլիկը) տրվել է հարցազրույցից դուրս, ունեցել է սադրիչ բնույթ և Արարատ Միրզոյանի կողմից ընկալվել է որպես քաղաքական բնույթի հայտարարություն:

Հանձնաժողովը գտել է, որ անձնական բնույթի վիրավորանք չպարունակող, մեղմ հանդիմանական ու նախատական բնույթի քննադատական խոսքը, որը նաև իր բնույթով համարժեք է լրագրողի վարքագծին, չի կարող համարվել ոչ հարգալից վերաբերմունք: Կանոնագրքի 51-րդ կետով սահմանված՝ լրագրողի հետ հաղորդակցվելիս հարգալից վերաբերմունք դրսևորելու և լրագրողների իրավունքները չխախտելու պահանջների առերևույթ խախտում կարող են



պարունակել այն դեպքերը, երբ հանրային պաշտոն զբաղեցնող անձն իր վարքագծով վիրավորում է լրագրողներին, նրանց պատիվն ու արժանապատվությունը:

Վերոգրյալի համատեքստում Հանձնաժողովը նշված դեպքով վարքագծի կանոնի առերևույթ խախտման վարույթ հարուցելու հիմքեր չի արձանագրել:

Հաշվետու ժամանակաշրջանում վարքագծի կանոնների խախտման դեպքերի առնչությամբ ևս երեք մեղիա հրապարակում գտնվում են ուսումնասիրության փուլում:

Հայտարարագրման վերաբերյալ հրապարակումներ

1. [«Ուժային կառույցների ներկայացուցիչները խոշոր նվիրատվություններ են հայտարարագրում, որոնց ծագման աղբյուրը հեղափոխության չէ»](#), Infocom.am լրատվական կայք, 13/01/2025 թվական:

Հրապարակման հիման վրա իրականացվել է Կարեն Զոհրաբյանի, Արման Նիկողոսյանի, Գնել Սիմոնյանի, Երվանդ Նիկոյանի, Խորեն Բարխոյանի, Արթուր Հակոբյանի, Ստեփան Նազարյանի և Վարդան Ավագյանի՝ հրապարակմամբ արձանագրված առերևույթ անհամապատասխանությունների վերաբերյալ ստուգում (Կարեն Զոհրաբյանի և Արման Նիկողոսյանի վերաբերյալ ուսումնասիրությունը հաշվետու ժամանակահատվածի ավարտի դրությամբ ընթացքում է), ինչի արդյունքում Հանձնաժողովը որոշել է Գնել Սիմոնյանից, Երվանդ Նիկոյանից, Խորեն Բարխոյանից, Արթուր Հակոբյանից և Ստեփան Նազարյանից հայցել պարզաբանումներ, իսկ Վարդան Ավագյանի նկատմամբ գործընթաց չնախաձեռնել՝ հաշվի առնելով իր և նվիրատուների միջև առկա կապի բնույթը, ինչպես նաև իրականացված նվիրատվությունների՝ նվիրատուների օրինական եկամուտներով հիմնավորված լինելու հանգամանքը:

Միաժամանակ, ստացված պարզաբանումների գնահատման արդյունքում Հանձնաժողովը որոշել է

- Գնել Սիմոնյանի նկատմամբ գործընթաց չնախաձեռնել՝ հաշվի առնելով այն հանգամանքը, որ նվիրատվության ստացման եղանակի (կանխիկ կամ անկանխիկ), ինչպես նաև, նվիրատուի՝ նվիրատվությամբ տրված դրամական միջոցների առաջնային ծագման աղբյուրների վերաբերյալ ներկայացված



ԿՈՌՈՒՊՑԻԱՅԻ
ԿԱՆԽԱՐԳԵԼՄԱՆ
ՀԱՆՁՆԱԺՈՂՈՎ

պարզաբանումների և հիմնավորող փաստաթղթերի գնահատման արդյունքում Հանձնաժողովի կասկածները փարատվել են,

- Երվանդ Նիկոյանի նկատմամբ որևէ գործընթաց չնախաձեռնել՝ հաշվի առնելով այն հանգամանքը, որ նվիրատվության ստացման եղանակի (կանխիկ կամ անկանխիկ), ինչպես նաև, նվիրատուի՝ նվիրատվությամբ տրված դրամական միջոցների առաջնային ծագման աղբյուրների վերաբերյալ ներկայացված պարզաբանումների և հիմնավորող փաստաթղթերի գնահատման արդյունքում Հանձնաժողովի կասկածները փարատվել են, միաժամանակ նկատի ունենալով, որ առկա են եղել ուղղման ենթակա տվյալներ, հայտարարատուին առաջարկվել է Հանձնաժողով ներկայացնել հայտարարագրված տվյալներում փոփոխություն կատարելու վերաբերյալ դիմում՝ նկատի ունենալով այն հանգամանքը, որ հայտարարագրի ներկայացման ժամկետով պայմանավորված հնարավոր չէ ապահովել վարչական վարույթի՝ օրենքով սահմանված ժամկետներում իրականացման գործընթացը,
- Խորեն Բարխոյանի, Արթուր Հակոբյանի նկատմամբ նախաձեռնել վարչական իրավախախտման վերաբերյալ վարույթներ՝ հայտարարագրում սխալ կամ ոչ ամբողջական տվյալների առկայության հիմքով,
- Ստեփան Նազարյանի պարզաբանման գնահատման նպատակով դիմել Կադաստրի կոմիտե՝ հայցելով տեղեկություններ, որոնք հաշվետու ժամանակահատվածի վերջի դրությամբ չեն ստացվել:

2. [«Վաղարշապատի քաղաքապետը 13.6 միլիոն դրամի պայմանագիր է կնքել սկեսրայրի հետ»](#), Azatutyun.am լրատվական կայք, 08/02/2025 թվական:

Հրապարակման հիման վրա իրականացվել է Արամայիս Միրզոյանի և Նրա կնոջ՝ Դիանա Գասպարյանի՝ հրապարակմամբ արձանագրված առերևույթ անհամապատասխանությունների վերաբերյալ ստուգում, ինչի արդյունքում որոշում է կայացվել Արամայիս Միրզոյանից և Դիանա Գասպարյանից հայցել պարզաբանումներ:

3. [«Հորից՝ որդուն. Սպիտակի համայնքապետի ընտանիքը ժառանգաբար փնթրինում է «Հայփոստի» մասնաճյուղը»](#), Mediafactory.am լրատվական կայք, 24/02/2025 թվական:



ԿՈՌՈՒՊՑԻԱՅԻ
ԿԱՆԽԱՐԳԵԼՄԱՆ
ՀԱՆՁՆԱԺՈՂՈՎ

Հրապարակման հիման վրա նախաձեռնվել է Քաջայր Նիկողոսյանի և նրա ընտանիքի անդամների՝ հրապարակմամբ արձանագրված առերևույթ անհամապատասխանությունների վերաբերյալ ստուգում, որը հաշվետու ժամանակահատվածի ավարտի դրությամբ ընթացքում է:

4. [«2 տարում 2.7 միլիարդ դրամի գնում՝ ավագանու անդամի ընկերությունից. Սևան համայնքի ասֆալտապատման գնումները»](#), *Infocom.am* լրատվական կայք, 15/01/2025 թվական:

Հրապարակման հիման վրա նախաձեռնվել է Սևան համայնքի ավագանու անդամ Արմեն Ալավերդյանի և նրա ընտանիքի անդամների՝ հրապարակմամբ արձանագրված առերևույթ անհամապատասխանությունների վերաբերյալ ստուգում, որը հաշվետու ժամանակահատվածի ավարտի դրությամբ ընթացքում է:

5. [«Առանձնատներ, բնակարան, խոշոր կանխիկ գումար, 44 մլն դրամ եկամույր. Ռուստամ Բաքոյանի և ծնողների ունեցվածքը»](#), *Oragir.news* լրատվական կայք, 07/03/2025 թվական:

Հրապարակման հիման վրա նախաձեռնվել է Ռուստամ Բաքոյանի և նրա ընտանիքի անդամների՝ հրապարակմամբ արձանագրված առերևույթ անհամապատասխանությունների վերաբերյալ ստուգում, որը հաշվետու ժամանակահատվածի ավարտի դրությամբ ընթացքում է:

6. [«Բնակարաններ, հողամաս, մեքենա, 57 մլն կանխիկ, 9.6 մլն եկամույր. Դավիթ Դանիելյանի ունեցվածքը»](#), *Oragir.news* լրատվական կայք, 27/03/2025 թվական:

Հրապարակման հիման վրա նախաձեռնվել է Դավիթ Դանիելյանի՝ հրապարակմամբ արձանագրված առերևույթ անհամապատասխանությունների վերաբերյալ ստուգում, որը հաշվետու ժամանակահատվածի ավարտի դրությամբ ընթացքում է:

2024 թվականին իրականացված հրապարակումներ, որոնց ուսումնասիրությունը շարունակվել է 2025 թվականի առաջին եռամսյակում



ԿՈՌՈՒՊՑԻԱՅԻ
ԿԱՆԽԱՐԳԵԼՄԱՆ
ՀԱՆՁՆԱԺՈՂՈՎ

7. [««Ժողովուրդ». «Նախկին թալանչիների» օրոք պաշտոնավարածն այսօր ՊՆ-ում է»](#), [News.am](#) լրատվական կայք, 28/02/2024 թվական:

Հրապարակման հիման վրա իրականացվել է Կարեն Բրուտյանի և նրա կնոջ՝ Անի Սարգսյանի՝ հրապարակմամբ արձանագրված առերևույթ անհամապատասխանությունների վերաբերյալ ստուգում, ինչի արդյունքում որոշում է կայացվել

- Կարեն Բրուտյանից հայցել պարզաբանում՝ հայտարարագրման ենթակա այլ հնարավոր ծախսերի և հայտարարագրված կանխիկ դրամական միջոցների առաջնային ծագման աղբյուրների վերաբերյալ,
- Անի Սարգսյանից հայցել պարզաբանում՝ կանխիկ դրամական միջոցների առաջնային ծագման աղբյուրների վերաբերյալ:

Ներկայացված պարզաբանումների և հիմնավորող փաստաթղթերի գնահատման արդյունքում Հանձնաժողովի կասկածները փարատվել են և որոշում է կայացվել Կարեն Բրուտյանին առաջարկել Հանձնաժողով ներկայացնել հայտարարագրված տվյալներում փոփոխություն կատարելու վերաբերյալ դիմում՝ հաշվի առնելով Վարչական իրավախախտումների վերաբերյալ ՀՀ օրենսգրքի 37-րդ հոդվածով սահմանված՝ վարչական տույժ նշանակելու վաղեմության ժամկետների՝ սպառված լինելու հանգամանքը:

8. [«Քանաքեռ-Զեյթուն համայնքի ղեկավարը 2023 թ-ին ձեռք է բերել 2 նոր քնակարան երևանում»](#), [Փաստիճիտ](#) լրատվական կայք, 10/07/2024 թվական:

Հրապարակման հիման վրա իրականացվել է Արտակ Հովակիմյանի և նրա կնոջ՝ Էվելինա Սեդրակյանի՝ հրապարակմամբ արձանագրված առերևույթ անհամապատասխանությունների վերաբերյալ ստուգում, ինչի արդյունքում որոշում է կայացվել իրականացնել Արտակ Հովակիմյանի և նրա ընտանիքի անդամների հայտարարագրերի համալիր վերլուծություն:

9. [«Նվիրաբերություններ ԲԴ-ին՝ չհայտարարագրված եկամուրներից»](#), [Infocom.am](#), [168.am](#) լրատվական կայք, 26/07/2024 թվական:

Հրապարակման հիման վրա իրականացվել է Անիկ Գրիգորյանի՝ հրապարակմամբ արձանագրված առերևույթ անհամապատասխանությունների վերաբերյալ ստուգում, ինչի արդյունքում որոշում է կայացվել Անիկ Գրիգորյանի



ԿՈՌՈՒՊՑԻԱՅԻ
ԿԱՆԽԱՐԳԵԼՄԱՆ
ՀԱՆՁՆԱԺՈՂՈՎ

նկատմամբ նախաձեռնել վարչական իրավախախտումների վերաբերյալ վարույթ՝ հաշվի առնելով 2023 թվականի տարեկան հայտարարագրում առերևույթ սխալ և ոչ ամբողջական տվյալների հայտարարագրված լինելու հանգամանքը:

Իսկ հրապարակման մեջ ներառված մյուս հայտարարատու անձանց վերաբերյալ ուսումնասիրություններն իրականացվել և ավարտվել են 2024 թվականին:

10. «Փոխադարձապետի կնոջ՝ հայտարարագրված եկամուրներով չհիմնավորվող ծախսը», Infocom.am լրատվական կայք, 19/08/2024 թվական:

Հրապարակման հիման վրա իրականացվել է Արմեն Փամբուխչյանի և նրա կնոջ՝ Սոսէ Բաղդասարյանի՝ հրապարակմամբ արձանագրված առերևույթ անհամապատասխանությունների վերաբերյալ ստուգում, ինչի արդյունքում որոշում է կայացվել

- Արմեն Փամբուխչյանից հայցել պարզաբանում՝ հայտարարագրման ենթակա այլ հնարավոր ծախսերի վերաբերյալ: Ներկայացված պարզաբանումների և հիմնավորող փաստաթղթերի գնահատման արդյունքում Հանձնաժողովի կասկածները փարատվել են, և որոշում է կայացվել Արմեն Փամբուխչյանին առաջարկել՝ ներկայացնել հայտարարագրված տվյալներում փոփոխություն կատարելու վերաբերյալ դիմում՝ հաշվի առնելով այն հանգամանքը, որ Հանձնաժողովի իրավակիրառ պրակտիկայի համաձայն՝ նվազ նշանակության է որակվում այն իրավախախտումը, երբ միևնույն գործարքի վերաբերյալ տվյալն այլ կերպ հայտարարագրված է:
- Սոսէ Բաղդասարյանից պարզաբանում չի հայցվել, քանի որ նշված անհամապատասխանության մասով՝ հայտարարատուի 2023 թվականի պաշտոնեական պարտականություններն դադարեցնելու հայտարարագրում տվյալը հայտարարագրված է եղել, և Հանձնաժողովը որոշում է կայացրել Սոսէ Բաղդասարյանին առաջարկել Հանձնաժողով ներկայացնել հայտարարագրված տվյալներում փոփոխություն կատարելու վերաբերյալ դիմում՝ հաշվի առնելով այն հանգամանքը, որ Հանձնաժողովի իրավակիրառ պրակտիկայի համաձայն՝ նվազ նշանակության է որակվում այն



ԿՈՌՈՒՊՑԻԱՅԻ
ԿԱՆԽԱՐԳԵԼՄԱՆ
ՀԱՆՁՆԱԺՈՂՈՎ

իրավախախտումը, երբ միևնույն գործարքի վերաբերյալ տվյալն այլ կերպ հայտարարագրված է:

11. [«Քույրը փոխմարզպետ, եղբայրը կառավարության աշխատակազմում. աղաղակող առերևույթ կեղծիքներ՝ հայտարարագրերում»](#), Armlur.am լրատվական կայք, 22/08/2024 թվական:

Հրապարակման հիման վրա իրականացվել է Սուրեն Հովհաննիսյանի, Միլադա Հովհաննիսյանի և Մկրտիչ Հովհաննիսյանի՝ հրապարակմամբ արձանագրված առերևույթ անհամապատասխանությունների վերաբերյալ ստուգում, ինչի արդյունքում որոշում է կայացվել Մկրտիչ Հովհաննիսյանի նկատմամբ նախաձեռնել վարչական իրավախախտումների վերաբերյալ վարույթ՝ հաշվի առնելով 2023 թվականի տարեկան հայտարարագրում առերևույթ սխալ կամ ոչ ամբողջական տվյալների հայտարարագրված լինելու հանգամանքը: Արդյունքում Հանձնաժողովը 2025 թվականի հունվարի 20-ի [որոշմամբ](#) Մկրտիչ Հովհաննիսյանի նկատմամբ կիրառել է վարչական տույժ՝ 200.000 (երկու հարյուր հազար) ՀՀ դրամի չափով:

12. [«ՏԵՍԱՆՅՈՒԹ.1 տարում 2 բնակարան՝ 85 մլն դրամով. որտեղից փոխադարապետին նման գումարներ»](#), Armlur.am լրատվական կայք, 10/09/2024 թվական:

Հրապարակման հիման վրա իրականացվել է Լևոն Հովհաննիսյանի և նրա կնոջ՝ Թամարա Ղարիբյանի՝ հրապարակմամբ արձանագրված առերևույթ անհամապատասխանությունների վերաբերյալ ստուգում, ինչի արդյունքում որոշում է կայացվել Լևոն Հովհաննիսյանից հայցել պարզաբանումներ, ստացված պարզաբանումների գնահատումը հաշվետու ժամանակահատվածի ավարտի դրությամբ դեռևս ավարտված չի եղել:

13. [«Անհամապատասխանություններ Երևանի ավագանու մի շարք անդամների հայտարարագրերում»](#), Infocom.am լրատվական կայք, 16/09/2024 թվական:

Հրապարակման հիման վրա իրականացվել է Իոսիֆ Կուբատյանի և նրա կնոջ, Հայկ Գրիգորյանի, Սեդա Տեր-Մինասյանի, Տիգրան Պետրոսյանի, Արտակ Զեյնալյանի և նրա կնոջ, Լուսինե Սարգսյանի և նրա ամուսնու, Գրիգոր Իսկանդարյանի և նրա կնոջ, Զարուհի Փոստանջյանի՝ հրապարակմամբ արձանագրված առերևույթ անհամապատասխանությունների վերաբերյալ ստուգում, ինչի արդյունքում որոշում է կայացվել Իոսիֆ Կուբատյանից, Հայկ Գրիգորյանից և



նրա ընտանիքի անդամից, Սեդա Տեր-Մինասյանից, Տիգրան Պետրոսյանից, Արտակ Զեյնալյանի ընտանիքի անդամից, Լուսինե Սարգսյանի ընտանիքի անդամից, Գրիգոր Իսկանդարյանից և Զարուհի Փոստանջանից հայցել պարզաբանումներ հայտարարագրման ենթակա այլ հնարավոր եկամուտների, հայտարարագրում սխալ կամ ոչ ամբողջական տվյալներ հայտարարագրելու վերաբերյալ (ըստ դեպքերի):

Հաշվետու ժամանակահատվածի ավարտի դրությամբ Վահե Հայրապետյանի պարզաբանումը չի ստացվել, իսկ Գրիգոր Իսկանդարյանի պարզաբանման գնահատումը հաշվետու ժամանակահատվածի ավարտի դրությամբ ընթացքում է: Միաժամանակ, ստացված պարզաբանումների գնահատման արդյունքում Հանձնաժողովը որոշել է՝

- Սեդա Տեր-Մինասյանի նկատմամբ նախաձեռնել վարչական իրավախախտումների վերաբերյալ վարույթ՝ հաշվի առնելով 2023 թվականի տարեկան հայտարարագրում առերևույթ սխալ կամ ոչ ամբողջական տվյալների հայտարարագրված լինելու հանգամանքը,
- Զարուհի Փոստանջանի նկատմամբ նախաձեռնել վարչական իրավախախտումների վերաբերյալ վարույթ՝ հաշվի առնելով 2023 թվականի տարեկան հայտարարագրում ընտանիքի անդամների վերաբերյալ տվյալների հայտարարագրված չլինելու հանգամանքը,
- Իոսիֆ Կուբատյանի նկատմամբ նախաձեռնել վարչական իրավախախտումների վերաբերյալ վարույթ՝ հաշվի առնելով 2023 թվականի տարեկան հայտարարագրում առերևույթ սխալ կամ ոչ ամբողջական տվյալների հայտարարագրված լինելու հանգամանքը,
- Տիգրան Պետրոսյանի նկատմամբ նախաձեռնել վարչական իրավախախտումների վերաբերյալ վարույթ՝ հաշվի առնելով 2023 թվականի տարեկան հայտարարագրում առերևույթ սխալ կամ ոչ ամբողջական տվյալների հայտարարագրված լինելու հանգամանքը,
- Արտակ Զեյնալյանին և Լիլիթ Մուսեյանին առաջարկել Հանձնաժողով ներկայացնել հայտարարագրված տվյալներում փոփոխություն կատարելու վերաբերյալ դիմում՝ հաշվի առնելով այն հանգամանքը, որ հայտարարագրերի լրացման ուղեցույցի համաձայն՝ ամուսինների միջև պետական գրանցում չպահանջող հայտարարագրման ենթակա գույքի շարժը (օրինակ՝ գումարի



ԿՈՌՈՒՊՑԻԱՅԻ
ԿԱՆԽԱՐԳԵԼՄԱՆ
ՀԱՆՁՆԱԺՈՂՈՎ

տրամադրումը, (...)) ենթակա չէ հայտարարագրման, ինչից պարզ է դառնում, որ Արտակ Ջեյնալյանը և նրա կինը չեն ունեցել վերոգրյալ նվիրատվության չափով համապատասխանաբար եկամտի և ծախսի հայտարարագրման պարտականություն,

- Հայկ Գրիգորյանի և Գայանե Մինասյանի կողմից ներկայացված պարզաբանումների և հիմնավորող փաստաթղթերի գնահատման արդյունքում ստուգումն ավարտել: Հայկ Գրիգորյանին առաջարկվել է ներկայացնել 2023 թվականի տարեկան հայտարարագրի հայտարարագրված տվյալներում փոփոխություն կատարելու վերաբերյալ դիմում՝ հաշվի առնելով այն հանգամանքը, որ ստացված եկամուտների վերաբերյալ տվյալը հայտարարագրված է Հայկ Գրիգորյանի 2023 թվականի պաշտոնեական պարտականություններն ստանձնելու հայտարարագրում:

14. «Հարկային և մաքսային տեսուչների ստացած նվիրատվությունները հեղափոխելի չեն. ԿԿՀ-ն նրանց հայտարարագրերը չի ուսումնասիրել», *Infocom.am* լրատվական կայք, 23/10/2024 թվական:

Հրապարակման հիման վրա իրականացվել է Արմեն Սաֆարյանի, Սուրեն Գալստյանի, Լիանա Մովսիսյանի և նրանց ընտանիքի անդամների, Տիգրան Նարիմանյանի, Վանյա Ղազարյանի, Կարեն Մարգարյանի, Լուսինե Զազյանի, Արամ Ղուկասյանի և Զեփյուռ Ալեքսանյանի՝ հրապարակմամբ արձանագրված առերևույթ անհամապատասխանությունների վերաբերյալ ստուգում, ինչի արդյունքում որոշում է կայացվել Արմեն Սաֆարյանից, Սուրեն Գալստյանից, Սամվել Եղիազարյանից, Կարեն Մարգարյանից, Տիգրան Նարիմանյանից, Լուսինե Զազյանից, Արամ Ղուկասյանից և Զեփյուռ Ալեքսանյանից հայցել պարզաբանումներ, իսկ Վանյա Ղազարյանի նկատմամբ գործընթաց չնախաձեռնել՝ առաջարկելով Հանձնաժողով ներկայացնել հայտարարագրված տվյալներում փոփոխություն կատարելու վերաբերյալ դիմում՝ հաշվի առնելով այն հանգամանքը, որ հայտարարագրերի լրացման ուղեցույցի համաձայն՝ ամուսինների միջև պետական գրանցում չպահանջող հայտարարագրման ենթակա գույքի շարժը (օրինակ՝ գումարի տրամադրումը, (...)) ենթակա չէ հայտարարագրման, ինչից պարզ է դառնում, որ Վանյա Ղազարյանը և նրա կինը չեն ունեցել վերոգրյալ նվիրատվության չափով համապատասխանաբար եկամտի և ծախսի հայտարարագրման պարտականություն:



Միաժամանակ, ստացված պարզաբանումների գնահատման արդյունքում Հանձնաժողովը որոշել է

- Արամ Ղուկասյանի նկատմամբ գործընթաց չնախաձեռնել՝ հաշվի առնելով այն հանգամանքը, որ նվիրատվության ստացման եղանակի (կանխիկ կամ անկանխիկ), ինչպես նաև, նվիրատուների՝ նվիրատվությամբ տրված դրամական միջոցների առաջնային ծագման աղբյուրների վերաբերյալ ներկայացված պարզաբանումների և հիմնավորող փաստաթղթերի գնահատման արդյունքում Հանձնաժողովի կասկածները փարատվել են,
- Սամվել Եղիազարյանի նկատմամբ նախաձեռնել վարչական իրավախախտումների վերաբերյալ վարույթ՝ հաշվի առնելով 2023 թվականի տարեկան հայտարարագրում առերևույթ սխալ կամ ոչ ամբողջական տվյալների հայտարարագրված լինելու հանգամանքը,
- Տիգրան Նարիմանյանից հայցել լրացուցիչ նյութեր ստացված նվիրատվությունների վերաբերյալ,
- Արմեն Սաֆարյանի պարզաբանման գնահատման նպատակով դիմել Կադաստրի կոմիտե՝ հայցելով տեղեկություններ, որոնք հաշվետու ժամանակահատվածի վերջի դրությամբ չեն ստացվել:

Լուսինե Զազյանի և Զեփյուռ Ալեքսանյանի կողմից ներկայացված պարզաբանումների և հիմնավորող փաստաթղթերի գնահատման արդյունքում Հանձնաժողովի կասկածները փարատվել են:

Սուրեն Գալստյանի և Կարեն Մարգարյանի պարզաբանումների գնահատումը հաշվետու ժամանակահատվածի ավարտի դրությամբ ընթացքում է:

15. «Դատական իշխանության ներկայացուցիչները խոշոր նվիրատվություններ են հայտարարագրում, սակայն դրանց գումարի ծագման աղբյուրը հեղափոխելի չէ», *infocom.am* լրատվական կայք, 11/12/2024 թվական:

Հրապարակման հիման վրա Հանձնաժողովն իրականացրել է Անի Հարությունյանի, Ալինա Փխրիկյանի, Ֆիլիպ Ղազարյանի, Սարգիս Երիցյանի, Արուս Հայրապետյանի, Լուսինե Դավթյանի, Գառնիկ Ստեփանյանի, Ռուզաննա Ազրոյանի, Անուշ Մխիթարյանի, Լիանա Բաղդամյանի, Մհեր Պետրոսյանի, Արամ Թումեյանի և Գոռ Գասպարյանի՝ հրապարակմամբ արձանագրված առերևույթ



անհամապատասխանությունների վերաբերյալ ստուգում, ինչի արդյունքում որոշում է կայացվել Արամ Թումեյանից (նվիրատու անձանց եկամուտների վերաբերյալ) և Մհեր Պետրոսյանից հայցել պարզաբանումներ (նվիրատու անձի եկամուտների վերաբերյալ), Անի Հարությունյանի, Ալինա Փխրիկյանի, Ֆիլիպ Ղազարյանի, Սարգիս Երիցյանի, Արուս Հայրապետյանի, Լուսինե Դավթյանի, Գառնիկ Ստեփանյանի, Ռուզաննա Ազրոյանի, Անուշ Մխիթարյանի, Լիանա Բաղրամյանի և Գոռ Գասպարյանի նկատմամբ գործընթաց չնախաձեռնել: Մասնավորապես,

-Անի Հարությունյանի մասով՝ հաշվի առնելով այն հանգամանքը, որ ուսումնասիրության ենթակա հայտարարագրերը քրեական վարույթի առարկա են,

-Ալինա Փխրիկյանի մասով՝ հաշվի առնելով այն հանգամանքը, որ նվիրատվությունը ստացել է հորից՝ Մարտիրոս Փխրիկյանից, իսկ Հանձնաժողովի կողմից հաստատվել է այն փաստը, որ նվիրատվության առաջնային ծագում է հանդիսացել գույքի օտարումը:

-Սարգիս Երիցյանի մասով՝ հաշվի առնելով, որ նվիրատվությունը ստացել է հորից՝ Սերգո Երիցյանից (հանդիսացել է հայտարարատու և պաշտոնատար անձ):

-Ֆիլիպ Ղազարյանի մասով՝ հաշվի առնելով, որ նվիրատվությունը ստացել է հորից և նվիրատվության ծագման աղբյուրները առերևույթ հիմնավորվում են նրա ստացված եկամուտներով:

-Արուս Հայրապետյանի մասով՝ հաշվի առնելով որ նվիրատվությունը ստացել է ամուսնուց՝ Վարազդատ Բադալյանից, որը հիմնավորվում էր նրա ստացված եկամուտներով:

-Լուսինե Դավթյանի մասով՝ հաշվի առնելով նվիրատվության գումարի մեծությունը և այն, որ նվիրատուի դրամական միջոցների ծագման աղբյուրների վերաբերյալ տվյալները հայտարարագրված են դեռ 2019 թվականից,

-Գառնիկ Ստեփանյանի մասով՝ հաշվի առնելով նվիրատվության գումարների մեծությունը և նվիրատուների վերաբերյալ առկա տվյալները

-Ռուզաննա Ազրոյանի մասով՝ հաշվի առնելով հայտարարագրված գումարների մեծությունը, նվիրատվուի հետ կապի բնույթը և այն, որ ստացված նվիրատվությունը հիմնավորվում է նրա ստացված եկամուտների վերաբերյալ առկա տեղեկություններով,



ԿՈՌՈՒՊՑԻԱՅԻ
ԿԱՆԽԱՐԳԵԼՄԱՆ
ՀԱՆՁՆԱԺՈՂՈՎ

-Անուշ Մխիթարյանի մասով՝ հաշվի առնելով նվիրատուի հետ կապի բնույթը, նվիրատվության գումարի չափը,

- Լիանա Բաղրամյանի մասով՝ հաշվի առնելով նվիրատուի հետ կապի բնույթը, նվիրատվության գումարի չափը,

-Գոռ Գասպարյանի մասով՝ հաշվի առնելով նվիրատուների հետ կապի բնույթը և այն, որ ստացված նվիրատվությունները հիմնավորվում են նրանց ստացված եկամուտների վերաբերյալ առկա տեղեկություններով:

16. «Վճռով՝ սնանկ, հայտարարագրով՝ հարուստ. դատախազների քարտեզագրության չափանիշները», Factor.am լրատվական կայք, 13/12/2024 թվական և «FactorTV-ի հոդվածի հիման վրա Գլխավոր դատախազությունը դիմել է Հակակոռուպցիոն կոմիտե, դատախազը՝ պարզաբանել», Factor.am լրատվական կայք, 20/12/2024 թվական:

Հրապարակումների հիման վրա Հանձնաժողովն իրականացրել է Գարեգին Իսախանյանի և նրա ընտանիքի անդամների՝ հրապարակումներով արձանագրված առերևույթ անհամապատասխանությունների վերաբերյալ ստուգում, ինչի արդյունքում որոշում է կայացվել իրականացնել Գարեգին Իսախանյանի և նրա ընտանիքի անդամների հայտարարագրերի համալիր վերլուծություն՝ հաշվի առնելով հայտարարագրված փոխառությունների, խոշոր կանխիկ դրամական միջոցների անհամապատասխանությունը հայտարարագրված եկամուտներին, ինչպես նաև արձանագրված՝ չհայտարարագրված տվյալների առկայությունը և հայտարարատուի մասնակցությամբ կազմակերպությունների վերաբերյալ հրապարակումներով արձանագրվածը: